

MALAYSIA
DEWAN RAKYAT
ATURAN URUSAN MESYUARAT

NASKAH SAHIH/BAHASA MALAYSIA

<http://www.parlimen.gov.my>

HARI ISNIN, 27 FEBRUARI 2023, PUKUL 10.00 PAGI

Bil. 10

PERTANYAAN-PERTANYAAN BAGI JAWAB LISAN

1. PR-1521-L18211
Dato' Sri Sh Mohmed Puzi bin Sh Ali [Pekan] minta **MENTERI DALAM NEGERI** menyatakan apakah langkah penyelesaian yang proaktif dan progresif dalam mengatasi isu kesesakan serius bagi urusan passport di Jabatan Imigresen Malaysia. Adakah Kementerian mempunyai cadangan untuk mengembalikan semula proses permohonan passport seperti sebelum ini iaitu secara *walk-in* ke pejabat imigresen berbanding permohonan menerusi talian dan menghapuskan sistem kuota harian bagi permohonan passport.
2. PR-1521-L19197
Datuk Seri Dr. Ronald Kiandee [Beluran] minta **MENTERI LUAR NEGERI** menyatakan apakah kerangka dasar luar Malaysia yang terkini mengambil kira perkembangan geopolitik semasa.
3. PR-1521-L18716
Dr. Kelvin Yii Lee Wuen [Bandar Kuching] minta **MENTERI KESIHATAN** menyatakan tentang perincian hasil rundingan Kementerian dengan Syarikat MySJ Sdn. Bhd. untuk membeli MySejahtera dan pelan Kementerian untuk mengoptimasikan penggunaan MySejahtera.
4. PR-1521-L19268
Datuk Ali anak Biju [Saratok] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :-
 - (a) langkah-langkah yang akan diambil Kementerian dalam proses penyerahan kuasa bekalan elektrik kepada Kerajaan Negeri Sabah dan adakah ianya melibatkan implikasi kewangan terhadap Kerajaan Persekutuan; dan

(b) berapa lama tempoh masa yang diperlukan sebelum keseluruhan proses tersebut selesai.

5. PR-1521-L18201

Tuan Azli bin Yusof [Shah Alam] minta **MENTERI SUMBER MANUSIA** menyatakan inisiatif-inisiatif Kerajaan membantu pekerja ekonomi gig. Apakah cabaran yang dihadapi untuk memberi atau mewajibkan jaminan perlindungan insurans bagi sektor ini.

6. PR-1521-L19088

Tuan Shahrizukirnain bin Abd. Kadir [Setiu] minta **MENTERI PEMBANGUNAN KERAJAAN TEMPATAN** menyatakan perbezaan di antara syarikat kredit komuniti dan Ah Long berlesen di mana syarikat kredit komuniti ini dikawal selia oleh Kementerian telah dianggap sebagai Ah Long berlesen yang mengenakan faedah yang tinggi sehingga 18% kepada peminjam wang segera.

7. PR-1521-L19430

Tuan Zahir bin Hassan [Wangsa Maju] minta **MENTERI BELIA DAN SUKAN** menyatakan :-

(a) apakah rancangan Kementerian untuk memperkasakan sukan hoki memandangkan pasukan hoki negara telah berjaya melayakkan diri ke tiga piala dunia berturut-turut iaitu, 2014, 2018 dan 2023; dan

(b) berapa peruntukan bagi sukan hoki dari keseluruhan bajet berbanding sukan-sukan lain.

8. PR-1521-L19155

Dato' Haji Mohd Suhaimi bin Abdullah [Langkawi] minta **MENTERI PENGANGKUTAN** menyatakan rancangan untuk menyelesaikan masalah pengangkutan di Pulau Langkawi khususnya perkhidmatan feri dan juga perkembangan terkini cadangan pembinaan Lapangan Terbang Antarabangsa Kulim (KXP) secara terperinci.

9. PR-1521-L19322

Tuan Lee Chuan How [Ipoh Timur] minta **MENTERI KESIHATAN** menyatakan peratusan bulanan kematian bagi kes serangan jantung yang di luar hospital di mana perkhidmatan ambulans Kementerian Kesihatan Malaysia tidak memberikan Resusitasi Kardiopulmonari (CPR), daripada Januari 2013 sehingga Disember 2022.

10. PR-1521-L18894
Datuk Seri Takiyuddin bin Hassan [Kota Bharu] minta **MENTERI PEMBANGUNAN KERAJAAN TEMPATAN** menyatakan adakah Kerajaan akan mengembalikan Pilihan Raya Pihak Berkuasa Tempatan (PBT) seperti yang didesak oleh pihak-pihak tertentu.
11. PR-1521-L18348
Puan Vivian Wong Shir Yee [Sandakan] minta **MENTERI LUAR NEGERI** menyatakan apakah langkah Kerajaan dalam menurunkan tahap risiko bagi nasihat sekatan perjalanan yang dikenakan oleh negara luar yang turut memberi kesan negatif kepada pelaburan asing di Sabah.
12. PR-1521-L19147
Tuan Che Alias bin Hamid [Kemaman] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :-
 - (a) kadar kes pembalakan haram di setiap negeri sejak tahun 2022; dan
 - (b) sejauh mana keberkesanan penggunaan teknologi baharu seperti dron dapat mengurangkan aktiviti pembalakan haram.
13. PR-1521-L18561
Tuan Riduan bin Rubin [Tenom] minta **MENTERI BELIA DAN SUKAN** menyatakan sama ada terdapat perancangan untuk membina Kompleks Sukan Kemabong memandangkan komuniti belia di sini tiada kemudahan sukan untuk berekreasi dan jarak yang jauh dengan kemudahan sukan sedia ada iaitu di Kompleks Sukan Tenom.
14. PR-1521-L18950
Tuan Muhammad Ismi bin Mat Taib [Parit] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan usaha Kementerian dalam mengurangkan kebergantungan arang batu sebagai sumber mineral kepada sumber tenaga boleh diperbaharui.
15. PR-1521-L18977
Datuk Seri Panglima Madius Tangau [Tuaran] minta **MENTERI KEMAJUAN DESA DAN WILAYAH** menyatakan berapa peruntukan untuk JALB, BALB dan BELB untuk setiap negeri dan wilayah di seluruh negara dan daripada itu berapa untuk kawasan Parlimen Tuaran.

16. PR-1521-L18775
Tuan Haji Mohd Hasnizan bin Harun [Hulu Selangor] minta **MENTERI SUMBER MANUSIA** menyatakan apakah Kementerian menyediakan kuota industri yang mewajibkan pengambilan OKU sebagai pekerja.
17. PR-1521-L18596
Tuan Prabakaran A/L M Parameswaran [Batu] minta **MENTERI PENGANGKUTAN** menyatakan kos pengambilan lesen memandu Kelas (B) (B2) bagi kenderaan jenis motorsikal dan Kelas (D) (DA) bagi kenderaan jenis kereta telah berlaku peningkatan harga yang ketara. Apakah langkah proaktif Kementerian bagi memastikan harga syiling yang lebih mesra rakyat dapat dilaksana termasuk cara penguatkuasaan terhadap yuran memandu di setiap institusi memandu.
18. PR-1521-L19034
Tuan Muhammad Fawwaz bin Mohamad Jan [Permatang Pauh] minta **MENTERI DALAM NEGERI** menyatakan jumlah pelancong yang datang ke negara kita setiap tahun yang didakwa tidak pulang ke negara asal dari tahun 2018 hingga 2022.
19. PR-1521-L18464
Tuan Cha Kee Chin [Rasah] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan bilakah projek Pembangunan Lembangan Sungai Bersepadu (PLSB) Sungai Linggi fasa 5 akan bermula. Menteri KASA (pada Julai 2022) pernah menyatakan bahawa ia akan bermula pada Januari 2023, tetapi sehingga kini masih belum bermula. Kelewatan ini membimbangkan penduduk yang terlibat. Sila berikan status terkini projek ini.
20. PR-1521-L19373
Dato' Dr. Alias bin Razak [Kuala Nerus] minta **MENTERI KESIHATAN** menyatakan sama ada Kementerian berhasrat untuk mengkaji semula struktur gaji serta kebajikan doktor dan petugas kesihatan sesuai dengan bebanan tugas yang dipikul mereka.
21. PR-1521-L18033
Tuan Chiew Choon Man [Miri] minta **MENTERI DALAM NEGERI** menyatakan perancangan Kerajaan dalam menaik taraf balai polis dan kuarters polis yang dalam keadaan usang serta daif terutamanya Balai Polis Pusat Miri dan kuarters di Ibu Pejabat Polis Daerah Miri .

22. PR-1521-L19047
Tuan Haji Wan Hassan bin Mohd Ramli [Dungun] minta **MENTERI KESIHATAN** menyatakan bilakah tarikh bermulanya operasi Hospital Dungun yang baru dan mengapakah punca-punca ianya tidak dapat beroperasi sebagaimana masa yang ditetapkan.
23. PR-1521-L18793
Datuk Larry Soon @ Larry Sng Wei Shien [Julau] minta **MENTERI KESIHATAN** menyatakan apakah pelan perancangan Kementerian untuk menaik taraf infrastruktur dan fasiliti klinik kesihatan di daerah Pakan dan Julau demi memastikan penduduk setempat dapat akses ke perkhidmatan kesihatan awam yang baik dan kondusif.
24. PR-1521-L19016
Tuan Sabri bin Azit [Jerai] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status projek tebatan banjir di Sungai Tok Rama dalam Parlimen Jerai.
25. PR-1521-L18670
Puan Yeo Bee Yin [Puchong] minta **MENTERI KESIHATAN** menyatakan apakah langkah-langkah Kementerian untuk mengatasi masalah kekurangan doktor dan jururawat di hospital awam dan swasta.
26. PR-1521-L19234
Tuan Mohd Syahir bin Che Sulaiman [Bachok] minta **MENTERI KESIHATAN** menyatakan perkembangan terkini pembinaan Hospital Bachok dan jangkaan tarikh hospital tersebut siap sepenuhnya untuk keselesaan rakyat Bachok yang tergendala sejak 2020.
27. PR-1521-L17979
Tuan Chow Kon Yeow [Batu Kawan] minta **MENTERI PEMBANGUNAN KERAJAAN TEMPATAN** menyatakan bilakah Kementerian akan meluluskan projek Program Perumahan Rakyat (PPR) sebagaimana dimohon oleh Kerajaan Negeri Pulau Pinang melibatkan lima tapak sebelum ini. Jelaskan juga perkembangan berhubung kelulusan dua projek PPR di negeri Pulau Pinang yang diumumkan YB Menteri sebelum ini.
28. PR-1521-L17980
Tuan Ganabatirau A/L Veraman [Klang] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan langkah-langkah yang telah diambil oleh Kerajaan untuk menyelesaikan masalah banjir di kawasan Parlimen Klang berserta jumlah peruntukan yang diluluskan untuk projek tebatan banjir dan pelebaran Sungai Klang.

29. PR-1521-L18921

Tuan Zulkifli bin Ismail [Jasin] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah langkah baharu untuk menurunkan peratusan kadar air tidak terhasil (NRW) bagi memastikan pengguna dapat manfaat secara total tanpa sebarang kenaikan tarif yang membebankan pada masa akan datang.

30. PR-1521-L18000

Tuan William Leong Jee Keen [Selayang] minta **MENTERI DALAM NEGERI** menyatakan sementara menunggu pindaan Perlembagaan Persekutuan, apakah langkah-langkah yang diambil untuk mempercepat proses permohonan kewarganegaraan khususnya bagi :-

- (a) anak-anak yang dilahirkan oleh ibu warganegara Malaysia di luar negara; dan
- (b) anak-anak angkat yang telah diangkat secara sah menurut perintah-perintah pengangkatan mahkamah yang berkenaan.

31. PR-1521-L18456

Tuan Lo Su Fui [Tawau] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah rancangan Sabah Electricity Sdn. Bhd. (SESB) bagi mengatasi isu bekalan elektrik yang kerap terputus bekalan dan apakah rancangan jangka panjang pihak Kementerian bagi menangani isu penggunaan elektrik yang semakin meningkat di daerah Tawau.

32. PR-1521-L18938

Ir. Ts. Haji Khairil Nizam bin Khirudin [Jerantut] minta **MENTERI PEMBANGUNAN KERAJAAN TEMPATAN** menyatakan komitmen untuk memastikan keperkasaan akta bagi mengawal harga rumah dan harga tanah agar tekanan komitmen bulanan rakyat Malaysia dapat dikurangkan secara terus.

33. PR-1521-L18656

Puan Hajah Salamiah binti Mohd Nor [Temerloh] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status projek tebatan banjir di daerah Temerloh melibatkan Kem Batu 3, bagi mengatasi kerugian besar, barang dan peralatan ketenteraan yang terpaksa dilupuskan selepas banjir.

34. PR-1521-L18218
Tuan Mohd Sany bin Hamzan [Hulu Langat] minta **MENTERI DALAM NEGERI** menyatakan adakah Kerajaan berhasrat membina sebuah hospital khusus PDRM bagi kegunaan merawat pesakit dalam kalangan warga polis dan keluarga mereka seperti Hospital Angkatan Tentera Malaysia.
35. PR-1521-L19103
Datuk Iskandar Dzulkarnain bin Abdul Khalid [Kuala Kangsar] minta **MENTERI SUMBER MANUSIA** menyatakan langkah proaktif yang telah dilaksanakan susulan dakwaan ketirisan di bawah program PENJANA.
36. PR-1521-L19165
Datuk Seri Dr. Haji Dzulkefly bin Ahmad [Kuala Selangor] minta **MENTERI KESIHATAN** menyatakan pengajaran penting yang telah dipelajari KKM dalam pandemik COVID-19 supaya Malaysia lebih bersedia dalam mendepani pandemik penyakit berjangkit dalam waktu mendatang ini.
37. PR-1521-L19097
Tuan Zahari bin Kechik [Jeli] minta **MENTERI DALAM NEGERI** menyatakan :-
(a) statistik kematian dalam tahanan bagi tahun 2021 dan 2022; dan
(b) usaha Kerajaan untuk membendung insiden kematian dalam tahanan yang berlaku.
38. PR-1521-L18565
Tuan Haji Ahmad Johnie bin Zawawi [Igan] minta **MENTERI DALAM NEGERI** menyatakan berapa jumlah permohonan kewarganegaraan di bawah Perkara 15A Perlembagaan Persekutuan bagi negeri Sarawak sejak tahun 2016 dan berapa permohonan yang telah diluluskan serta apakah sebab-sebab permohonan yang gagal mendapat kelulusan.
39. PR-1521-L18159
Dato' Azman bin Nasrudin [Padang Serai] minta **MENTERI PENGANGKUTAN** menyatakan perancangan Kementerian untuk mengatasi masalah Jeti Feri di Kuala Kedah dan Kuala Perlis yang selalu mengalami air cetek yang menyebabkan ia memerlukan pengerukan dan kos yang besar.

40. PR-1521-L18525

Datuk Suhaimi bin Nasir [Libaran] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan rancangan Kerajaan mengatasi isu loji rawatan air di Sabah yang dikenal pasti mengalami masalah sehingga tidak mampu membekalkan air bersih kepada pengguna.

41. PR-1521-L19410

Dato' Sri Ismail Sabri bin Yaakob [Bera] minta **MENTERI KESIHATAN** menyatakan apakah strategi serta usaha yang dilaksanakan oleh Kementerian bagi mengatasi masalah masa menunggu yang lama dan kesesakan yang kerap kali berlaku di unit kecemasan hospital-hospital utama khususnya di luar waktu pejabat.

42. PR-1521-L18114

Dato' Wira Dr. Ku Abd Rahman bin Ku Ismail [Kubang Pasu] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan sama ada Kerajaan berhasrat untuk mengkaji semula pelaksanaan *Imbalance Cost Pass-Through* (ICPT) bagi Januari 2023 hingga 30 Jun 2023 terhadap pelanggan TNB bervoltan sederhana (MV) dan bervoltan tinggi (HV) di kalangan industri termasuk MNC memandangkan pelaksanaan ICPT ini memberikan implikasi negatif kerana ia akan menghakis daya saing negara dalam menarik pelaburan bagi industri pembuatan.

43. PR-1521-L18052

Datuk Ir. Shahelmey bin Yahya [Putatan] minta **MENTERI KESIHATAN** menyatakan perancangan Kementerian Kesihatan Malaysia (KKM) untuk menaik taraf fasiliti Klinik Kesihatan Putatan sekaligus menambah baik perkhidmatan kesihatan di fasiliti tersebut bagi menampung jumlah pesakit yang semakin hari semakin meningkat.

44. PR-1521-L18929

Dato' Hajah Siti Zailah binti Mohd Yusoff [Rantau Panjang] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status pelaksanaan projek tebatan banjir di Rantau Panjang dan apakah perancangan Kementerian bagi mempercepat projek tersebut dapat disiapkan.

45. PR-1521-L18948

Tuan Jamaludin bin Yahya [Pasir Salak] minta **MENTERI PEMBANGUNAN KERAJAAN TEMPATAN** menyatakan apakah rasional di sebalik usaha membawa masuk pakar HDB Singapura sedangkan sejarah telah membuktikan bahawa semua kampung dan penempatan orang Melayu di Singapura dan Pulau Pinang telah lenyap dan dirobohkan atas nama pembangunan kondominium.

46. PR-1521-L18844

Tuan Yuneswaran A/L Ramaraj [Segamat] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan pelan kesinambungan rancangan tebatan banjir yang difokuskan untuk Segamat pada tahun ini dan apakah teknologi perparitan yang sedang diusahakan untuk mengurangkan risiko limpahan air sungai akibat hujan lebat yang boleh menjejaskan kediaman serta perusahaan pertanian penduduk setempat.

47. PR-1521-L18504

Dato' Haji Shamshulkahar bin Mohd Deli [Jempol] minta **MENTERI KESIHATAN** menyatakan pertimbangan Kementerian agar menaik taraf status Hospital Jempol tanpa pakar kepada hospital pakar minor supaya boleh mengendalikan pembedahan yang tidak terlalu kompleks sesuai dengan keperluan setempat.

48. PR-1521-L18823

Datuk Seri Panglima Bung Moktar bin Radin [Kinabatangan] minta **MENTERI KEMAJUAN DESA DAN WILAYAH** menyatakan apakah usaha yang akan dibuat bagi memastikan keperluan asas seperti bekalan air bersih, bekalan elektrik serta jaringan jalan raya yang lebih baik dapat disediakan kepada masyarakat kampung yang berada di kawasan pedalaman dan terpencil terutamanya dalam kawasan Parlimen Kinabatangan.

49. PR-1521-L18804

Tuan Syed Saddiq bin Syed Abdul Rahman [Muar] minta **MENTERI BELIA DAN SUKAN** menyatakan mengapa kolam renang awam yang telah diluluskan dalam pelan Hub Anak Muda di Muar dikeluarkan pada minit-minit terakhir pelaksanaan projek dan adakah Kerajaan berhasrat untuk meneruskan kolam renang awam tersebut untuk kegunaan rakyat Muar.

50. PR-1521-L17966
Datuk Jonathan Yasin [Ranau] minta **MENTERI KEMAJUAN DESA DAN WILAYAH** menyatakan bilakah projek bekalan air luar bandar (BALB)-sistem bekalan air baru di Nakamura Mamut dan juga di Nalumad, Ranau akan dilaksanakan bagi mengatasi kekurangan sumber bekalan air bersih di Daerah Ranau.
51. PR-1521-L19060
Tuan Mohamad Shafizan Haji Kepli [Batang Lupar] minta **MENTERI PEMBANGUNAN KERAJAAN TEMPATAN** menyatakan apakah usaha pihak Kementerian dalam meningkatkan keselamatan kawasan perkampungan dan luar bandar daripada ancaman kebakaran dan adakah terdapat rancangan oleh Kementerian bagi membina Balai Bomba dan Penyelamat (BBP) di daerah Pusa yang terletak sekitar 60km dari BBP terdekat.
52. PR-1521-L18143
Dato' Sri Richard Riot anak Jaem [Serian] minta **MENTERI KESIHATAN** menyatakan apakah perancangan Kementerian untuk membina klinik-klinik kesihatan baharu di Luar Bandar Sarawak.
53. PR-1521-L18393
Puan Syerleena binti Abdul Rashid [Bukit Bendera] minta **MENTERI DALAM NEGERI** menyatakan statistik mengenai siasatan, tuduhan dan sabitan di bawah Akta Hasutan bagi setiap tahun untuk 5 tahun yang lepas.
54. PR-1521-L19453
Tuan Lim Lip Eng [Kepong] minta **MENTERI SUMBER MANUSIA** menyatakan secara teliti bagaimana proses permohonan pengambilan pekerja warga asing dipermudahkan dan dipercepatkan yang kini dikatakan hanya mengambil masa tiga hari. Apakah jadual yang diterapkan oleh Kerajaan untuk memasukkan 500,000 pekerja asing ke Malaysia pada tahun ini.
55. PR-1521-L18789
Datuk Haji Awang bin Hashim [Pendang] minta **MENTERI SUMBER MANUSIA** menyatakan apakah langkah diambil pihak Kementerian bagi mengurangkan karenah birokrasi di peringkat Kerajaan dalam aspek pelaksanaan pendidikan TVET serta apakah pelan tindakan Kementerian bagi merencanakan penglibatan dalam bidang TVET.

56. PR-1521-L19217

Tuan Wan Ahmad Fayhsal bin Wan Ahmad Kamal [Machang] minta **MENTERI DALAM NEGERI** menyatakan sebab-sebab kelewatan penyerahan semula senjata api anggota RELA. Hal ini telah menyebabkan warga Machang khususnya mengalami kerugian ratusan ribu ringgit hasil pertanian terutamanya pada musim buah-buahan akibat haiwan perosak yang sukar dibasmi tanpa bantuan anggota RELA bersenjata. Saya memohon komitmen YB. Menteri untuk menyelesaikan isu ini dengan kadar segera.

ATURAN URUSAN MESYUARAT DAN USUL-USUL

1. (D.R 2/2023) Rang Undang - Undang Perbekalan 2023 – **Perbahasaan atas masalah, " Bahawa Rang Undang-Undang ini dibacakan kali yang kedua sekarang," (24 Februari 2023)**

DAN

Usul dibuat oleh YAB Menteri Kewangan dan masalah dicadangkan :-

"Bahawa Dewan ini, menurut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa suatu jumlah wang sebanyak tidak lebih dari sembilan puluh sembilan bilion ringgit (RM99,000,000,000) dibelanjakan daripada Kumpulan Wang Pembangunan bagi tahun 2023, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau ("P") dalam senarai Anggaran Perbelanjaan Persekutuan 2023, yang dibentangkan sebagai Kertas Perintah 19 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut, dan bahawa Usul yang telah diluluskan oleh Dewan ini pada 20 Disember 2022 mengenai perbelanjaan yang dibelanjakan daripada Kumpulan Wang Pembangunan bagi tahun kewangan 2023 adalah dibatalkan dan hendaklah disahkan."

Perbahasan atas masalah (24 Februari 2023)

2. (D.R 1/2023) Rang Undang-Undang Pencetakan Teks Al- **Bacaan Kali**
Qur'an (Pindaan) 2023. **Yang Kedua**
[Menteri Dalam Negeri]

3. PR-1521-U(27)231
Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia - Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia - Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan *dron*. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak Kerajaan memandang serius perkara ini dengan menyegerakan pembangunan tembok sempadan Malaysia - Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia - Thailand agar benar-benar berkesan menjamin keselamatan perbatasan negara."

[Menteri Dalam Negeri]

4. PR-1521-U(27)232

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan bahan makanan mentah seperti ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan bahan mentah tempatan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bahan makanan mentah. Kerajaan tidak seharusnya melepaskan tanggungjawab menjaga keterjaminan bekalan bahan mentah makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

5. PR-1521-U(27)233

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018 - 2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. "

[Menteri Pembangunan Kerajaan Tempatan]

6. PR-1521-U(27)234

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan kepada enam negeri kurang membangun, iaitu Kedah, Kelantan, Perlis, Sabah, Sarawak dan Terengganu seperti yang direncanakan di dalam Pelan Rancangan Malaysia Ke-12 (RMK-12) dapat dilaksanakan secepat mungkin. Berdasarkan pelan RMK-12 tersebut, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Ini akan mempercepatkan penyediaan infrastruktur dan kemudahan asas serta menjana lebih banyak peluang ekonomi di negeri kurang membangun dan mengurangkan jurang pembangunan."

[Menteri Ekonomi]

7. PR-1521-U(27)235

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat bencana alam seperti banjir dan musim tengkujuh. Kerosakan tanaman dan kematian ternakan sering kali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

8. PR-1521-U(27)236

Dato' Seri Dr. Shahidan bin Kasim [Arau] akan mencadangkan :

Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. "

[Perdana Menteri]

9. PR-1521-U(27)237

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiap siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

10. PR-1521-U(27)238

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyemak semula garis panduan Suruhanjaya Komunikasi Multimedia Malaysia (SKMM) mengenai isi kandungan media sosial yang sensitif serta tidak sesuai dengan agama Islam dan budaya tempatan seperti kandungan yang *pro-LGBT* dan *pro-liberalisme*. Misalnya, SKMM baru-baru ini telah bekerjasama dengan Polis Diraja Malaysia (PDRM) untuk memantau penyebaran klip-klip video sensitif yang berbaur provokasi dengan niat mencetuskan ketidakharmonian, kebencian dan prejudis. Oleh hal demikian, Kerajaan digesa supaya melakukan tindakan yang sama bagi menangani penularan isi kandungan *pro-LGBT* dan *pro-liberalisme* di media sosial. Tindakan ini adalah penting untuk memastikan martabat Islam sebagai agama rasmi negara terpelihara dan budaya tempatan dihormati. "

[Menteri Komunikasi dan Digital]

11. PR-1521-U(27)239

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

12. PR-1521-U(27)240

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan mencukupi serta membolehkan penyelidikan yang agresif dibuat bagi menghasilkan benih padi baru. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia, Filipina dan Myanmar yang mempunyai tanaman dan baka padi yang berdaya komersial tinggi."

[Menteri Pertanian dan Keterjaminan Makanan]

13. PR-1521-U(27)241

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyediakan pelan tindakan yang komprehensif untuk menangani kadar pengangguran semasa yang dijangka meningkat terutamanya di kalangan graduan universiti, penduduk luar bandar dan golongan miskin bandar. Pelan tindakan ini amat diperlukan memandangkan keadaan ekonomi global juga bakal meruncing pada tahun 2023 dan kadar pelaburan asing di Malaysia akan terjejas. Dengan situasi ekonomi terkini, lambakan penganggur akan menyebabkan peningkatan jumlah golongan B40 dan B20 akibat peningkatan kos sara hidup."

[Perdana Menteri]

14. PR-1521-U(27)242

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya meneruskan usaha untuk memberi bantuan semula kepada pesawah menerusi Bajet 2023. Dalam ucapan Bajet 2023 yang lepas, Kerajaan mengumumkan bantuan sebanyak RM200 sebulan bagi tempoh tiga bulan kepada 240 ribu penerima yang layak. Anggaran keseluruhan perbelanjaan bantuan tersebut adalah lebih kurang RM228 juta. Justeru itu, Kerajaan digesa agar mempercepat saluran bantuan tersebut kepada pesawah yang memerlukan bagi menyokong pengorbanan mereka sebagai tonggak utama dalam menghasilkan makanan ruji utama rakyat Malaysia iaitu beras. Kebanyakan petani di utara Semenanjung Malaysia mempunyai kawasan sawah padi yang luas serta subur yang juga sesuai ditanam pelbagai jenis tanaman seperti kelapa sawit. Walau bagaimanapun, para pesawah ini masih meneruskan tanaman padi bagi menjamin kelangsungan makanan ruji utama negara. Oleh hal demikian, Kerajaan diharapkan dapat menghargai pengorbanan para pesawah ini."

[Menteri Pertanian dan Keterjaminan Makanan]

15. PR-1521-U(27)243

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

16. PR-1521-U(27)244

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh hal yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

17. PR-1521-U(27)245

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuh Raya Sematan – Telok Melano juga baru-baru ini secara tidak langsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

18. PR-1521-U(27)225

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap Akta Suruhanjaya Pelantikan Kehakiman (JAC) 2009, seiring dengan cadangan serta titah Majlis Raja – Raja Melayu, demi memastikan pelantikan lima daripada sembilan ahli JAC tidak lagi dilakukan oleh Perdana Menteri. Bergerak ke hadapan, adalah wajar untuk Kerajaan Perpaduan meminda Akta JAC 2009 dan Perkara 122B Perlembagaan Persekutuan bagi menghentikan campur tangan eksekutif yang hanya mengikut selera politik semata-mata dalam isu pelantikan hakim, sekali gus dapat mewujudkan kebebasan sistem kehakiman serta menjunjung keluhuran perlembagaan dan kedaulatan undang-undang di dalam Malaysia sepertimana yang terkandung dalam Rukun Negara.

Sebelum ini, negara telah dikejutkan dengan pendedahan oleh mantan Tan Sri Peguam Negara di dalam buku tulisannya yang berjudul, "*My Story: Justice in Wilderness*", yang nyata bertentangan dengan laungan Kedaulatan Undang-undang atau "*Rule of Law*", oleh Kerajaan pimpinan Yang Amat Berhormat Perdana Menteri ke-7. Berdasarkan penulisan beliau, terdapat pelbagai dakwaan mengenai isu pelantikan hakim, campur tangan didalam sistem kehakiman, pendakwaan politik, serta pelbagai pendedahan yang menerbitkan seribu satu persoalan. Pendedahan daripada mantan Tan Sri Peguam Negara tersebut amat membimbangkan, menimbulkan rasa syak wasangka dan persoalan terhadap sistem keadilan, dan juga kepincangan atas doktrin, dengan izin, "*separation of power*" atau pengasingan kuasa di dalam negara kita.

Justeru, saya menyambut baik kenyataan YB Menteri di Jabatan Perdana Menteri (Undang-Undang dan Reformasi Institusi) yang menyatakan bahawa, Jemaah Menteri telah bersetuju dengan cadangan untuk menubuhkan Suruhanjaya Siasatan Diraja (RCI) untuk meneliti mengenai perkara tersebut. Namun, saya fikirkan Kerajaan tidak sepatutnya sekadar berhenti di situ sahaja. Sebaliknya perlu meminda JAC 2009 bagi merealisasikan hasrat murni Kerajaan terutamanya dalam urus tadbir yang baik atau '*good governance*'."

[Perdana Menteri]

19. PR-1521-U(27)226

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap harga maksimum telur ayam yang berkuat kuasa pada 12 Oktober 2022 di bawah Akta Kawalan Harga dan Anti Pencatutan 2011 dengan menaikkan harga kawalan telur tempatan dari RM0.41 ke RM0.50 sebiji, iaitu pada paras harga yang sama dengan harga telur import dari India. Di samping itu, Kementerian juga boleh mewujudkan "elaun telur secara *top-up*" kepada golongan B40 dengan menampung selisih harga telur sebanyak RM0.09 (RM0.41 -RM0.50) sebiji. Langkah ini boleh meringankan bebanan kewangan keluarga B40 dan turut membantu penternak tempatan mengatasi masalah kos operasi yang meningkat, sekali gus mengatasi masalah kekurangan bekalan telur ayam. Seandainya elaun telur sebanyak RM200 setahun diberikan kepada golongan B40, banyak telur yang boleh dimakan oleh keluarga B40.

Kementerian seharusnya mengutamakan penternak tempatan semasa menangani masalah kekurangan bekalan telur ayam. Ramai penternak atau pengusaha ladang ayam telur terpaksa menampung kos operasi yang tinggi mengeluarkan telur. Kos untuk menghasilkan sebiji telur ayam di ladang kini mencecah RM0.45 sebiji, di mana sebahagian besarnya membabitkan penghasilan makanan ayam. Menurut Laporan Kajian Khas Kos Pengeluaran Ayam Dan Telur oleh Jabatan Perangkaan Malaysia pada Disember 2022, purata kos pengeluaran di peringkat ladang bagi telur adalah RM0.48 sebiji pada September 2022. Penternak tempatan rugi kerana telur tempatan hanya boleh dijual dengan RM0.41 sebiji kerana ada kawalan harga, sedangkan kos menghasilkan sebiji telur telah pun melebihi paras harga tersebut. Kalau rugi, penternak tidak akan membela ayam untuk menghasilkan telur.

Malahan, telur import dari India dijual dengan RM0.50 sebiji, jika Kementerian memansuhkan kawalan harga, harga jualan telur tempatan juga lebih kurang sama iaitu kira-kira RM0.50 sebiji. Maka, cadangan untuk meminda harga kawalan telur tempatan ke RM0.50 sebiji bakal membantu rakyat dan penternak tempatan. Langkah tersebut boleh menjana ekonomi domestik dari sudut penyediaan peluang pekerjaan dan pembayaran cukai dari pihak penternak, kebersihan dan keselamatan telur ayam, kemudahan logistik, penyeliaan dan pembekalan berbanding dengan langkah mengimport telur dari India.

Justeru, Kementerian wajar mempertimbangkan cadangan pindaan kawalan harga telur supaya rakyat dan penternak tempatan tidak lagi terjejas dalam masalah kekurangan bekalan telur yang berpanjangan ini. Elaun telur kepada golongan B40 juga boleh memastikan rakyat terus berkemampuan menikmati makanan asas ini tanpa terjejas oleh kenaikan harga kawalan telur. Telur dan ayam adalah makanan asas rakyat tanpa mengira kaum atau agama, perkara ini harus dijadikan keutamaan."

[Menteri Pertanian dan Keterjaminan Makanan]

20. PR-1521-U(27)227

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan langkah-langkah Kerajaan dalam menghadapi Kemelesetan Ekonomi Global pada 2023 seperti yang diramalkan oleh pelbagai institusi kewangan dalam dan luar negara.

Menurut kajian yang dibuat oleh Bank Dunia; dalam menghadapi risiko, di mana bank-bank negara di seluruh dunia telah dan akan secara serentak menaikkan kadar faedah secara mendadak. Kesannya, seluruh dunia akan menghadapi krisis ekonomi dan bakal menuju kepada krisis kewangan yang semestinya akan memberikan impak negatif yang berpanjangan.

Pelbagai kajian dasar, pakej rangsangan dan langkah diplomatik perlu dibuat oleh Kerajaan untuk memastikan negara kita kalis krisis ini dan membolehkan rakyat hidup dalam kestabilan ekonomi yang optimum. Selain itu, krisis ekonomi secara global juga dijangka akan membawa kepada kemerosotan KDNK sebanyak 0.5 peratus pada 2023.

Pertumbuhan ekonomi mesti dipertingkatkan supaya negara kita boleh mencapai penukuhan nilai mata wang dan menarik lebih banyak pelaburan yang strategik di mana akan menyumbang kepada peluang pekerjaan, peningkatan produktiviti, pengukuhan pasaran modal dan mengurangkan kemiskinan rakyat. "

[Menteri Ekonomi]

21. PR-1521-U(27)228

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan Kerajaan untuk mewujudkan sebuah jawatankuasa khas di peringkat jemaah menteri bagi membuat kajian dan perancangan dalam membasmi kemiskinan golongan nelayan. Mengikut rekod lalu yang dibuat, banciaan daripada SENDI-LKIM (2008-2017) mendapati bahawa para nelayan hanya memperoleh pendapatan melebihi RM1,200 sahaja. Meskipun Kerajaan sudah menyediakan peruntukan kepada nelayan melalui Elaun Sara Hidup Bantuan Nelayan dan Skim Subsidi Petrol, namun dengan peningkatan kos sara hidup dan keterbatasan akses kepada kemudahan yang disediakan oleh Kerajaan telah menyukarkan dan membebankan para nelayan yang berada di kawasan luar bandar. Tahun 2022, sejumlah RM7 juta diperuntukkan kepada LKIM sebagai modal pusingan pembelian ikan tempatan sebanyak 1,000 tan metrik yang akan ditempatkan di 130 bilik sejuk beku di seluruh negara untuk menghadapi musim tengkujuh. Permasalahan ini berlaku disebabkan penglibatan orang tengah yang menganiaya dan mengambil kesempatan atas usaha para nelayan dengan memberi alasan hasil yang berkurangan disebabkan oleh cuaca buruk dan secara tidak langsung memberikan kesan negatif kepada rantai sekuriti makanan negara. Penerangan yang jelas kepada sistem penyaluran bantuan Kerajaan juga harus ditambah baik terutamanya kepada

golongan-golongan yang tidak mahir menggunakan kemudahan internet dan agensi berkaitan haruslah mencari nelayan yang masih belum berdaftar agar bantuan Kerajaan juga boleh dinikmati oleh mereka. Pokoknya, Kerajaan harus meneliti dan menggali dengan lebih mendalam tentang permasalahan yang dihadapi oleh para nelayan. Kita harus memperkasakan saluran bantuan Kerajaan agar tidak berlaku ketirisan dan aktiviti penyalahgunaan kuasa yang digunakan oleh pihak-pihak tertentu. "

[Menteri Pertanian dan Keterjaminan Makanan]

22. PR-1521-U(27)229

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah pelan tindakan khas untuk menghadapi dan mengatasi krisis utiliti terutamanya tenaga elektrik dan bekalan air bersih serta apakah jangkaan kesan kepada rakyat apabila inisiatif Kerajaan mengurangkan pemberian subsidi utiliti.

Krisis tenaga elektrik berpunca dari harga bahan api sangat tinggi yang menyebabkan peningkatan mendadak kos penjanaan elektrik dan pelarasan tarif elektrik melalui mekanisme ICPT. Berdasarkan kepada kos penjanaan yang sangat tinggi ini, semua pengguna elektrik di Semenanjung Malaysia sepatutnya dikenakan surcay sebanyak 27 sen/kWj bagi tempoh 1 Januari hingga 30 Jun 2023 yang akan menyebabkan peningkatan kos sara hidup sekiranya dilepaskan kepada pengguna sepenuhnya. Sekiranya keseluruhan kos ICPT ditampung melalui subsidi, Kerajaan pula perlu menyediakan peruntukan yang sangat besar dan membebankan.

Krisis sumber air bersih diakibatkan oleh penebangan hutan secara berleluasa dan pembalakan yang tidak terkawal boleh memusnahkan "hutan awan" (*cloud forest*) yang akan mengakibatkan kehilangan sumber air yang berharga selain menyebabkan hakisan tanah dan menjejaskan kualiti sumber air. Pembuangan sampah dan sisa toksik industri juga menyumbang kepada pencemaran air sungai yang boleh menyebabkan masalah gangguan bekalan air tidak berjadual timbul dan menyukarkan rakyat dalam kehidupan seharian dan secara langsung menelan kos yang tinggi bagi meningkatkan tahap capaian bekalan air bersih, tambahan pula kerja-kerja penyelenggaraan dan penggantian peralatan secara berkala di loji rawatan air atau sistem agihan oleh operator bekalan air semestinya memerlukan perbelanjaan yang tinggi.

Oleh hal demikian jaminan tenaga dan air perlu dirangka dengan langkah yang selamat oleh Kerajaan dalam mencapai penggunaan utiliti yang mampan serta efisien dengan penggunaan kos yang rendah serta pengenaan caj tidak membebankan rakyat. Pengalaman krisis tenaga yang dilalui oleh masyarakat di Eropah perlu diambil sebagai panduan dan perkara yang perlu dirujuk dalam membuat sebarang pertimbangan pada masa kini dan hadapan."

[Menteri Sumber Asli, Alam Sekitar dan Perubahan Iklim]

23. PR-1521-U(27)230

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan menubuhkan sebuah Institut Rukun Negara bagi mengkaji dan membentangkan perancangan model literasi perpaduan jangka masa panjang menyeluruh yang akan menyelesaikan masalah polarisasi kaum yang semakin menebal dalam kalangan anak muda di negara ini. Model pendidikan jangka masa panjang ini perlu merangkumi keseluruhan aspek pembelajaran termasuk komponen subjek akademik, komponen kerohanian dan komponen etnik tanpa membelakangi peruntukkan yang terkandung dalam Perlembagaan Persekutuan dan semangat Rukun Negara. Masalah polarisasi kaum akan dilihat semakin serius jika perancangan, penekanan dan pemantauan ini tidak dilakukan segera daripada peringkat awal pembelajaran dan ia tidak dapat mencapai tahap toleransi semua kaum dan semangat kenegaraan semakin lemah dalam kalangan anak muda. Kesannya terhadap potensi untuk membangunkan negara bangsa mengikut acuan kita sendiri akan terencat dan keharmonian serta kesejahteraan negara juga akan terancam."

[Menteri Perpaduan Negara]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2023</u>	<u>RISALAT/DOKUMEN</u>	<u>TARIKH DIBENTANGKAN</u>
ST. 24	Penyata Kewangan Kerajaan Persekutuan 2021	24 Februari 2023
CMD. 1	Tinjauan Ekonomi & Fiskal dan Anggaran Hasil 2023 Terkini	24 Februari 2023
CMD. 18	Penyata Daripada Kementerian Kewangan Mengenai Anggaran Perbelanjaan Persekutuan 2023	24 Februari 2023
CMD. 19	Anggaran Perbelanjaan Persekutuan 2023	24 Februari 2023
CMD. 20	Senarai Perjawatan di Kementerian-Kementerian dan Jabatan-Jabatan dalam Anggaran Perbelanjaan Persekutuan 2023	24 Februari 2023

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 27.02.2023 (Isnin)	1. YB Dato' Seri Dr. Shahidan bin Kasim (Arau)	1. Penggantian Segera Aset-aset Agensi Penguatkuasaan Maritim Malaysia (APMM) yang Sudah Uzur	1. YB Menteri Dalam Negeri
2. 27.02.2023 (Isnin)	2. YB Tuan Shaharizukirnain bin Abd. Kadir (Setiu)	2. Bekalan Air yang Sering Terputus Akibat Kebocoran Paip di Parlimen Setiu	2. YB Menteri Sumber Asli, Alam Sekitar Dan Perubahan Iklim

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**